

ЎЗБЕКИСТОН — ЯПОНИЯ БИЗНЕС- ФОРУМИ

Ўзбекистон — Япония иқтисодий муносабатлари савдо-иқтисодий ҳамкорлик, сармояларни ўзаро ҳимоялаш ва рағбатлантиришга оид битимлар каби кўплаб ҳужжатларга асосланади. Ўзбекистонда Япония сармояси иштирокида тузилган ўн та қўшма корхона, ушбу мамлакатнинг ўн икки компанияси ваколатхонаси фаолият кўрсатаётир. Улар транспорт, хизмат кўрсатиш, сайёҳлик, соғлиқни сақлаш, машинасозлик ва металл қайта ишлаш, енгил саноат, экспорт-импорт операцияларини ўтказиш, сармоявий лойиҳалар доирасида асбоб-ускуналар етказиб бериш каби йўналишларда иш олиб боради.

Япония ҳукумати томонидан ишлаб чиқилган «Тараққиётга расмий ёрдам» дастури иқтисодий муносабатларда алоҳида ўрин тутати. Мазкур дастур доирасида Ўзбекистонга қиймати 140 миллиард иендан зиёд кредитлар тақдим этилди, 22 миллиард иендан ортиқ бегараз ёрдам кўрсатилди, умумий қиймати 13 миллиард иендан зиёд техник ҳамкорлик лойиҳалари амалга оширилди. 2014 йилда электр энергетикаси соҳасида Фарғона водийсида йирик иссиқлик электр станцияси қурилишини ўз ичига олган «Jupiter» лойиҳасини амалга оширишга қаратилган ҳукуматлараро битим имзоланди.

Мамлакатимизнинг улкан иқтисодий салоҳияти, замонавий транспорт коммуникациялари, қулай сармоявий муҳит кўплаб давлатлар қатори Япония ишбилармон доираларининг ҳам ҳамкорликка қизиқишини ошироқда.

Форумда Япония ишбилармонларига мамлакатимизда амалга оширилаётган ижтимоий-иқтисодий ислохотлар, соҳага сармоя кириштиришнинг истиқболлари, кичик бизнес ва хусусий тадбиркорликни ривожлантириш омиллари, нефть-газ ва кимё соҳаларидаги истиқболли лойиҳалар, «Навий», «Жизак» ва «Ангрен» индустриал зоналаридаги қулайлик ва имтиёзлар тўғрисида маълумот берилди. Ўзбекистон ва Япония ишбилармонлари ҳамкорлигида турли соҳаларда амалга оширилаётган қўшма лойиҳалар, уларнинг ижроси ва истиқболдаги режалар ҳақида сўз юритилди.

— Япония Ўзбекистон билан ҳамкорликни ривожлантиришга алоҳида эътибор билан қарайди, — деди Япония ташқи савдо ташкилоти (JETRO) раиси Хироюки Ишигэ. — Ўзбекистондаги қулай сармоявий муҳит ва юксак иқтисодий имкониятлар ўзаро савдо-иқтисодий ва сармоявий алоқаларимизнинг рағбат топишида муҳим омил бўлмоқда.

Бизнес-форумда савдо-иқтисодий ва сармоявий ҳамкорликни, энергетика, банк-молия, ахборот технологиялари, транспорт ва коммуникациялар, соғлиқни сақлаш, сайёҳлик, озиқ-овқат, енгил саноат, фан-таълим соҳаларидаги алоқаларни янада ривожлантиришга оид масалалар атрофида муҳокама қилинди. Кадрлар тайёрлаш ва мутахассислар малакасини оширишдаги ҳамкорлик масалалари юзасидан фикр алмашилди.

Анжуманда Япониянинг йирик компанияларидан икки юздан зиёд вакил иштирок этгани ушбу мамлакатнинг Ўзбекистон билан ҳамкорликни ривожлантиришга қизиқиши нақадар катта эканидан далolatдир. «Isuzu Motors», «Nippon Export and Investment Insurance», «Dai Nippon Construction», «Shimizu», «Chiyoda», «Mitsubishi», «Marubeni», «Toyota Tsushyo», «Itochu», «FujiFilm», «Sakura Global Holding» каби компаниялар вакиллари Ўзбекистон бозоридagi ўз фаолиятини йўлга қўйиш ва мавжуд ҳамкорликни янада мустаҳкамлаш ниятида эканини қайд этди.

Бизнес-форум якунида энергетика, нефть-газ, кимё, геология, банк-молия, тиббиёт, сайёҳлик, қишлоқ хўжалик, автомобилсозлик каби кўплаб соҳалардаги ҳамкорликка оид қатор ҳужжатлар имзоланди.

Форум доирасида Япония компаниялари фаолиятига бағишланган ҳамда мамлакатларимиз ўртасида иқтисодий соҳада амалга оширилаётган қўшма лойиҳалар акс этган кўргазма ташкил этилди.

Ноира МАНЗУРОВА,
ЎЗА мухбири.

Давоми. Бошланиши 1-бетда.

Япония ҳукумати томонидан ишлаб чиқилган «Тараққиётга расмий ёрдам» дастури иқтисодий муносабатларда алоҳида ўрин тутати. Мазкур дастур доирасида Ўзбекистонга қиймати 140 миллиард иендан зиёд кредитлар тақдим этилди, 22 миллиард иендан ортиқ бегараз ёрдам кўрсатилди, умумий қиймати 13 миллиард иендан зиёд техник ҳамкорлик лойиҳалари амалга оширилди.



САНЪАТ КОШОНАСИНИНГ ЗАМОНАВИЙ ҚИЁФАСИ



Театр жамоаларида ижодкорларнинг янада самарали фаолият кўрсатиши учун зарур шароит ва имкониятларни муҳайё этишга алоҳида эътибор қаратилмоқда.

Юртимизда ҳар йили анъанавий тарзда ўтказилаётган «Епилик баҳори», «Баҳор симфонияси», «Competition dell'Opera» каби танлов ва фестиваллар, концертлар, ижодий лойиҳалар ёшларнинг санъатга бўлган меҳрини юксалтириш, миллий ва жаҳон музыка санъатининг энг нодир намуналаридан баҳраманд бўлишида муҳим омил бўлмоқда.

Алишер Навоий номидаги Ўзбекистон давлат академик катта театрининг опера ва балет санъати ривожига, унинг ютуқларини тарғиб этишга, халқимизнинг бой муносиқ меросини бойитишга қўшиб келатган ҳиссаси юртимиз ҳамда дунё жамоатчилиги томонидан эътироф этилган.

Театр биноси 1947 йилда барпо этилган бўлиб, у миллий меъморлик санъатимизнинг гоём бетакдор ва гўзал намунаси, халқимизнинг бебаҳо маданияти билан тўла.

Давоми. Бошланиши 1-бетда.

ний мулк санъати.

Президентимиз ташаббуси билан театр биносида, унга таш ҳудудда амалга оширилган улкан бунёдкорлик ва ободонлаштириш ишлари самарасида мазкур санъат кошоначи янги-ча қўрилиши ва тароват касб этиди. Театр биносининг иштироқи, совутиш, ҳаво муътадиллигини сақлаш, муҳандислик-коммуникация тизими тўлиқ янгиланди. Реконструкция ишларини амалга оширишда моҳир наққош, мусаввир ва усталар яратган ижод намуналарини, деворий суратлар, бетакдор композицияларни асл ҳолида сақлаб қолнишга алоҳида эътибор қаратилди.

Томоша залига қадам қўйган кишининг деворларда сайқал топган тилларанг нақшлардан кўзи қамашади. 736 томошабинга мўлжалланган залда ўриндиқлар шу тарзда ўрнатилганки, унинг исталган бурчакли спектаклни бемалол томоша қилиш имконияти мавжуд. Залдаги визуал, акустик эффектлар, энг замонавий ёриш ва овоз ускуналари саҳнадаги ижоддан тўла баҳра олиш имконини беради. Улкан қандил залга фусункор тус берса,

ён-атрофдаги митти ёриткичларнинг шуъласи янада шинамлик ва кўрк бағишлайди.

Янгиланган саҳнанинг қуйи қисмида оркестр учун мўлжалланган махсус жой замонавий техник ускуналар ёрдамида кўтарилиб, саҳна билан баробар ҳолатга келиши концерт дастурларида, муסיқий тақдимо-ларда ижрочилар ва томошабинлар учун қулайлик яратди.

Реконструкция дизайнерлари, режиссёрлари ва раҳистлар, техник-коммуникация му-тахассислари, режиссёрлар, театр либрослари дизайнерлари, тикув цехлари чеварлари, саҳна машинистлари ва қурувчилари, афиша дизайнерлари — барча-барча ходимларнинг самарали меҳнат қилиши учун зарур шароитлар яратилган.

Истиқлол йилларида Алишер Навоий номидаги Ўзбекистон давлат академик катта театри жаҳоннинг етакчи мамлакатлари ижодий жамоалари билан ҳамкорликни ривожлантирди. АКШ, Буюк Британия, Франция,

Германия, Италия, Венесуэла каби давлатларнинг дирижёр, режиссёр ва хореографлари билан биргаликда кўплаб саҳна асарлари томошабинлар эътиборига ҳавола этилди.

Жамоанинг япониялик ижодкорлар билан ҳамкорлиги алоҳида ўрин эгаллайди. Ўзбекистон опера ва балет усталарининг ижроси япон томошабинлари томонидан илиқ кутиб олинган. Театр саҳнасида «Оқ-қўш қўли», «Севильялик сарта-рош» каби спектакллар япон санъаткорлари билан биргаликда ижро этилгани, Кунчикар мамлакатнинг «Тойота сити балет» труппаси юртимизда бўлиб, энг сара спектаклларини томошабинларга тақдим этгани санъат мухлисарига яхши маълум.

... Чорлов муסיқаси янги-ча, театрнинг очилишига бағишланган тантанали бадний-муסיқий дастур бошланади. Алишер Навоий газали билан қўйланувчи қўшиқлар дилларга ором бағишлайди. Ўзбек ва жаҳон мумтоз композиторлари опера ва балетларидан парчалар ижро этилади.

— Президентимиз раҳнамолигида театр санъатида кўрсатилаётган эътибор натижасида ўзбек опера, ижрочилик санъати дунёда тобора кўпроқ эътироф этилиб, юксак баҳоламоқда, — дейди Ўзбекистон халқ артисти Муяссар Раззокова. — Бундай муҳташам қошона на-инки жамоамиз, балки бутун халқимиз учун улкан, беназир туҳфа бўлди. Бу бизга битмас-туганмас илҳом бағишлайди, куч-қувват беради.

Назokat УСМОНОВА,
ЎЗА мухбири.

ЯНГИЛИКЛАР

Универсал чоппик трактори

«Трактор» махсус конструкторлик бюроси унитар корхонаси ходими Одибек Аҳмедов қишлоқ хўжалиги машинасозлиги соҳасида фойдаланишга мўлжалланган универсал чоппик тракторини яратди.

Мазкур трактор бурилувчанлиги эвазига қишлоқ хўжалик экинлари ҳосилига зиён етказмай ҳаракатланади.

Интеллектуал мулк агентлигининг сайтида маълум қилинишича, лойиҳа муаллифи ушбу модел учун № ФАП 01035 рақамли патент берилган.

«Ўзбекистон ҳаво йўллари»

Париждаги
халқаро
ярмаркада
қатнашди

Парижда «IFTM Top Resa» анъанавий халқаро сайёҳлик ярмаркаси бўлиб ўтди. Унда «Ўзбекистон ҳаво йўллари» МАК ҳам иштирок этди. Бу ҳақда Миллий авиакомпаниянинг расмий сайтида хабар берилади.

Алоҳида таъкидлаш жоиз, Тошкент — Париж — Тошкент авиарейси йўлга қўйилганига 17 йил бўлди. Ҳар йили юртимизга минглаб франциялик меҳмонлар ташриф буюради. Ўз навбатида мамлакатимизга келатган сайёҳлар «Ўзбекистон ҳаво йўллари» томонидан кўрсатилаётган хизматларни юқори баҳоламоқда.

Ўз навбатида Париж — Урганч йўналиши бўйича йўлга қўйилган тўғридан-тўғри рейс францияликларда катта қизиқиш уйғотди.

«Дамас» асосида

авария-қутқарув
машиналари
яратилмоқда

«GM Uzbekistan» автомобиль заводи Фавкуллода вазиятлар вазирлиги билан ҳамкорликда авария-қутқарув машиналарини яратиш устида иш олиб бормоқда. Бу ҳақда «Ўзавтосаноат» матбуот хизмати хабар бermoқда.

2016 йилдан чиқарилиши режалаштирилган янги техника турли шошилинч вазиятларда фавкуллода хизматларнинг тежорилигини янада оширишга хизмат қилади. Янги автомобиль «Дамас» базасида тайёрланиши кўзда тутилган бўлиб, 5 нафар экипаж аъзоси бемалол жойлашади. Транспорт воситаси қутқарув ишлари жараёнида фойдаланиладиган барча зарур ускуналар билан таъминланади.

Наврўз ҒУЛОМОВ
тайёрлади.

Х. МАМАТРАЙИМОВ,
ЎЗА мухбири.

КУЧЛИ ДАВЛАТДАН — КУЧЛИ ФУҚАРОЛИК ЖАМИЯТИ САРИ

Очиқлик ва ошқоралик — тараққиёт омили

Термизда давлат ҳокимияти ва бошқаруви органлари фаолияти очиқлигини таъминлаш ҳамда уларнинг устидан жамоатчилик назоратини амалга оширишда оммавий ахборот воситалари ролини ошириш масаласига бағишланган семинар-тренинг бўлиб ўтди.

Фуқаролик жамияти шаклланишини мониторинг қилиш мустақил институти ҳамда Европада хавфсизлик ва ҳамкорлик ташкилотининг Ўзбекистондаги лойиҳалар координатори билан ҳамкорликда ташкил этилган тадбирда Президентимиз Ислам Каримов томонидан илгари сурилган

Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепцияси ҳамда мазкур ҳужжат асосида қабул қилинган Ўзбекистон Республикасининг «Давлат ҳокимияти ва бошқаруви органлари фаолиятининг очиқлиги тўғрисида»ги қонуни

ахборот тарқатиш сифати ва самарадорлигини оширишни янги босқичда давом эттиришга хизмат қилаётгани алоҳида таъкидланди.

— Йил давомида ташкил этилган семинар-тренинг машғулотларида давлат ҳокимияти ва бошқаруви органлари фаолиятининг очиқлигини таъминлаш ва жамоатчилик билан алоқаларни мустаҳкамлашда оммавий ахборот воситаларининг роли чуқур таҳлил қилинди, — дейди Фуқаролик жамияти шаклланишини мониторинг қилиш мустақил институти Сурхондарё вилояти ҳудудий бўлими

раҳбари Рустам Норлиев. — Маҳаллий ҳокимлик ва давлат бошқаруви органлари ахборот хизмати ходимлари ахборот хизматининг мақсад ва вази-фалари, ахборот-коммуникация технологиялари имкониятларидан самарали фойдаланиш, матбуот анжуманларини сифатли ташкил этиш каби масалалар бўйича зарур малакага эга бўлди.

Вилоятдаги эллиқдан ортиқ давлат ва жамоат ташкилотларида ахборот хизмати йўлга қўйилган. Веб-сайтлар ташкил этилаётгани уларнинг фаолияти очиқлигини таъминлаб, оммавий ахборот восита-

лари ва жамоатчилик билан алоқаларини мустаҳкамлаётир.

Семинар-тренингда ўтган машғулотларда ўзлаштирилган билим ва малакаларни иш фаолиятида қўллаш, ягона интерактив давлат хизматлари портали имкониятларидан самарали фойдаланиш, давлат органларида журналистларни аккредитациядан ўтказишнинг мазмун-моҳияти, ОАВ ва давлат органлари ҳамкорлигини ривожлантириш масалалари юзасидан фикр алмашилди.

■ МАМЛАКАТИМИЗДА АНИҚЛАНГАН КЎМИР ЗАХИРАЛАРИ 1,9 МИЛЛИАРД ТОННА, БАШОРАТ ҚИЛИНАЁТГАН РЕСУРСЛАР МИҚДОРИ ЭСА 5,7 МИЛЛИАРД ТОННАНИ ТАШКИЛ ЭТАДИ. ҲАР ЙИЛИ 4 МИЛЛИОН ТОННА КАТТИҚ ЁҚИЛҒИ ҚАЗИБ ОЛИНАЁТГАН БЎЛСА, 2018 ЙИЛГА БОРИБ, БУ КЎРСАТКИЧНИ 11 МИЛЛИОН ТОННАГА ЕТКАЗИШ РЕЖАЛАШТИРИЛГАН.



■ ИЧКИ ИШЛАР ИДОРАЛАРИ ҲУЗУРИДАГИ ҚЎРИҚЛАШ БЎЛИНМАЛАРИДА 173 ТЕХНИК ҚЎРИҚЛАШ ПУНКТИ ФАОЛИЯТ КЎРСАТАЁТИР. УЛАР СЎНГИ РУСУМДАГИ АЛОҚА ВОСИТАЛАРИ, АВТОТРАНСПОРТ ВОСИТАЛАРИ БИЛАН ТАЪМИНЛАНГАН. БУГҲУНГИ ҚУНДА УЛАР ТОМОНИДАН ҚАРИЙБ 14 МИНГ ИНШООТ, 8,5 МИНГДАН ОРТИҚ ХОНАДОН ҚЎРИҚЛАНМОҚДА.

